

兩

浙

輶

軒

錄

兩浙輶軒錄卷十三目

譚緒彥 林青雲 錢爲鼎 沈廷文 馮銓

張起宗 鄭景會 楊嗣震 楊標 陳克鬯

伍涵芬 吳天木 王宏 李之械 李宣

陶文端 李湖偕 閔亥生 薛載德 余兆琪

王宗儁 史許 唐芳第 吳升 鍾洪名

梁祉 毛以澳 項世溥 謝緒恒 金虞廷

吳振鎬 鍾夔 厲煌 徐雲祥 戴振沂

劉揆 沈元曾 陸筠 沈曰綸 錢渭恭

徐俟召 沈炯 謝天埴 沈毓蘭 范鯤

查樞 何洪文 沈毓蕙 沈謙 鮑棫

史克泰 朱昌辰 王處厚 史先震 張費源

兩浙輶軒錄

卷十三

徐燿然 李國孚 章朝銓 王之達 董允霖

桂興宗 謝秉昌 潘瀛彥 沈之法 何嘉頤

龔汝賓 張斐 姜諫 俞都 史載麟

沈探奇 金淵 邵國麟 張廷宰 洪熙揆

謝于宣 樓宗雷 吳學珍 趙雲璿 樓凌雯

李俊任 鄭遇春 洪允恭 黃朝珪 黃詰

王澐孫 曾曰忠 朱鴻瞻 倪祖喜 蕭彬

殷際盛 范核 范廷謬 洪熙績 吳瑛

董元密 陸溥 李琯和 鄭培 王鶚

陸次雲 李夢本 戴熙 沈謙益 沈紹姬

景星杓 張寶孫 張纘孫 馮景 周霽

周雯 周崧 徐林 陳常 姚廷傑

李維鈞

王德淇

張晉祺

盧之翰

施遠

王次先

史玉節

田鳴玉

錢榮先

趙淳

顧升

兩浙輶軒錄卷十三

督學使者阮元訂

謝緒彥

字又文鎮海人

詩文草創小傳謝緒彥少年科第

不傳一官皆余過也

袁鈞曰謝緒彥為兆

朱文藻曰詩文草創稱緒彥不傳一官皆余過也則是

未嘗居官者而袁陶軒四明詩鈔稱其官中書詩文草

創為謝兆昌所輯緒彥為其從子則兆

昌之言當確殆送入中書而未任者歟

秋官第觀荷

城北數椽高舊築大父當年讀書屋圍繞門前三畝田平鋪

水面千紋淥日斜樹上有鳴蟬雨後池邊汎孤鷺客來隨意

摘畦蔬淵明之酒葛中漉六月荷花已盛開紅白相映如雲

簇大者高出儼羣仙小者低垂宛童僕挺蓋團團承露盤滴

入花心更芳馥晨興坐對炎暑清晚涼况復經新沐得句問

落花不語自有深情托幽獨及此良辰酒滿卮莫待秋風零落時

林青雲

字龍友號澹我瑞安人康熙甲子舉人著竹園詩集

春日山居

寂寂落花落源深深過雨村白雲高掛嶺綠水曲迴門寄詠梅  
千片消愁酒一樽小園無客到鳥跡破苔痕

錢爲鼎

字蓍液會稽人康熙丁卯舉人著石渠詩鈔

九日燈下感懷寄懷王介選

深秋楓葉亂紛飛百事何堪與志違辜負一年虛有閨淒涼  
九日歎無衣紅燈冷落霜侵榻綠樹參差月映扉自分林泉  
真樂在不因潦倒美輕肥

沈廷文

字原衡號元洲秀水人康熙戊辰進士及第第一  
人官修撰著廣居文鈔燕邸雜詠北征南歸等集

太白樓和韻

張燈高館此畱賓  
交道文章自有神  
憑弔千秋懷古地  
風流一代謫仙人  
清樽共醉樓頭月  
白眼看飛檻外塵  
好句畱題應已滿  
荒碑苔蘚辨難真

顧詩城 鎮視鹽長蘆

名世持籌豈小匡  
聲馳三輔控齊梁  
十年望重臺端柏  
萬寵風翻海上霜  
路入白河秋水碧  
樹添紅葉暮山蒼  
離樽記取東籬下  
驄馬歸時菊又黃

馬

銓原名肇基字遵素號澄園錢塘人康熙庚午舉人官內閣中書著澄園集儷語擢華意軒隨筆

朱彭曰澄園少受業於陸梯霞先生之門所交皆一時名士年將五十始舉于鄉既授一官不樂仕進性好讀書於經史子集之外旁及九流之書手披口誦至老不倦又善飲間有大戶卽欣然往邀作長夜飲必盡一石止乃

竹林寺

古寺藏修竹紆回一徑穿近簷人負日得蔭鳥忘天  
蓮宇欣聞梵蒲團學坐禪山僧頻瀹茗階下掬寒泉

春柳和吳寶崖

陳炎

亭外長條復短條東風初試小蠻腰人來隋苑停香轂  
路入秦莊蕩畫櫓吹暖麴塵春盎盎飄殘絮影恨迢迢  
紅欄宛轉關情思總在江南四百橋

元旦早發商家林

旅邸蕭然夢未成寒星幾點踏霜行誰憐此日車中客  
獨聽人家爆竹聲

張起宗

字元友一字夢山鄞人康熙辛未進士官河內知縣著高梧閣集

袁鶴曰起宗知河內時嘗令民開荒田數百頃沿濟河以資灌溉性剛簡不爲大吏所喜起宗亦不耐繁劇遂



請告歸少學詩於李鄴嗣歸田後  
與名流觴詠無虛日兼善書畫

雜感

花事愁中過如天未有春月憐孤館客人薄異鄉身眼力鈔  
書損家音望雁頻不堪遙憶舊無語淚沾巾

鄭景會

字慕韓一字聚瞻又字海門慈谿人梁從子僑居錢塘爲諸生著劍鳴醉愁諸集

朱彝尊曰近日稱詩者舍唐師宋又取其最俚俗者學之風雅幾於掃地矣慕韓諸體不失唐音

聞毛檢討歸里門有寄

菱菱束帛返邱園嘯傲空亭鶴與猿潮落海門沙岸闊風迴  
鶯嶺野花繁研經整日垂書幌問字何人載酒樽相隔每憐  
衣帶水離情脉脉黯消魂

詠白腐乳和陳子宏

漢代相傳術更奇全身入甕醉如泥香同雀舌神俱爽味壓

兩浙輶軒錄

卷十三

張元宗 鄭景會

雞頭病頗宜濃挹酒漿酥透骨細勻椒末令凝脂儒家本色  
由來腐佐食何須麴蘖施

客暑遣興

綠綺琴猶在臨邛久不彈雨疎梨子落風過棗花寒醉後功  
名薄愁中去住難列人隄上月相對思漫漫

韜光僧舍望遠

層巖夕鎖萬株烟遙望天低秋月圓湖外鳳城江外嶺一齊  
收拾到窓前

楊嗣震

字東崖海寧歲貢生雍正從  
子景山教習著晚雷詩鈔

側溪

身入王蒙畫停舟向側溪歸鴉林遠近呼鴨岸東西山色浮  
烟重晴雲抹樹齊幾家燈上後擊柝響高低

筓步

官道原幽僻人家占一灣  
灘南灘北水屋後屋前山  
候早禾先割霜輕橘未斑  
何時來結屋長日聽潺潺

自紅花埠至郊城道中作

瀟瀟絲雨過郊城土潤平  
田漸可耕却怪世情難  
屢足居人求雨客求晴

棗林莊

遙林日色映初黃行旅人多  
趁早涼馬上得詩吟未就  
綠陰風遞棗花香

楊

標

字觀可海寧監生

三月九日李喬森

爲梗

攜具過張氏園

在平涼

賦就天隨久自憐

陸魯望有病酒自憐賦

麴車逢著又流涎竹君自愛

嵇康嬾石丈能知米芾顛水暖浴盤先濯足戰酣酒盞忽張拳不須更說升沉事魚躍鸞飛信所天

陳克鬯

字震修號雲怡海寧諸生著雲怡詩鈔

俞寶華曰陳克鬯爲確之孫八歲作冬夜懷祖詩確欣然和之

春夜宿吳玉章南樓

近市何曾識市喧知君心遠地同偏溪聲半夜忽相送燈影一樓還共眠節近花朝催暮雨愁隨芳草徧春烟誰能更作劉琨舞孤負荒雞已十年

伍涵芬

字芝軒於潛人康熙丁卯解元著讀書樂趣附偶吟草

宿香積寺慧如上人禪室

曲圃幽棲處牆深小徑通年忘花甲外人老竹陰中水調來寒幙鐘聲散晚風東山有遠志買地欲相同

吳天木

字西山嘉興人源起子官德州府同知著澹寧堂稿

梅里詩輯西山五律格老氣厚直是作家稿中有和妾詩問中酬伯想見風流惜妾詩不傳

少林寺

攀躋凌少室北麓問禪宮樹表三花異山推五嶽宗陰崖連

澗雪哀壑起松風落日聞清磬雲霞滿碧空

王

滋字上濤號抱山嘉興人著岫雲軒集藝菴齋集

梅里詩輯先生人品高瞻名利不撓其心家節廉橋畔目與文士詩僧往還唱和有就雲軒唱和詩之刻周幣谷沈藍村沈可權朱求侯王來素卿全昭倪令章周魯聖金蓮修釋休虛與先生凡十一人詩一百十四首武原鄭堯序之早游朱太史之門稱高足弟子晚與藍村子菜畦交最篤會同注曝書亭詩未流傳有評定義山詩大具慧解

過靈谿精舍畱飲

數里平疇過綠烟愛乘晚霽越西阡閒房有約來青豆舊社

經時問白蓮簷月未斜宜對酒晨鐘初起且安眠衰年倘得  
香林佳木葉山花恣論禪

向晚

向晚柴門聞剝啄幽人策杖踏晴沙霜林萬疊帶殘照秋水  
一灣浮斷槎漫興有詩堪入集醉鄉無地可爲家閒來雅會  
偏能數秉燭論文到月斜

李之械

字斯振父字柳洲嘉興  
貢生明著孫著崖溪集

梅里詩輯岸溪詩神  
賦氣靜書味盎然

題聽鴻圖

綠水芙蓉幕中客攜家遙託長沙國閨房之秀倚高樓極目  
懷親楚天碧何處征鴻叫暮雲一聲聲過浙江濱秋風無限  
薄湘意二十五弦那忍聞生女雖然適他族歲時歸寧歡不

足兒獨與親遠別離年年深鎖平橋屋平橋屋裏井生葵欲  
訪歸期未有期願隨鴻雁西南飛

李

宣

字景源號謝城嘉興諸生  
明黎孫琇子著石燕草

梅里詩輯先生天真爛漫不琢不雕  
詩如其人具存本色不以刻鏤爲工

春日贈鄭敘周

到眼春光滿碧湖無端風雨暗平蕪自從花落黃陵後不許

人間賦鷓鴣

陶文端

字以修號書崖秀水  
諸生著書崖詩稿

寄同社友

澹江吟社冷林館客心閒空自拾瑤草何時同玉山春深花  
欲落日暮鳥知還悵望鷗盟遠青蘋水一灣

李潮偕

字元汎號觀樞秀水監生  
年子著觀樞山房詩伴鶴吟

兩浙輶軒錄卷十三

李潮偕李宣陶文端李潮偕

梅里詩朝秋錦徵士與竹垞太史齊名人稱朱李觀僅  
與太史子笛漁並能承其家學兩先生又與史先震錢  
是式張費源徐燿然李陳常李  
成大為漁祖八子並有文名

朱藤

纖條蟠詰曲未肯傍蒿萊高樹能相借春風花爛開

閔亥生

字未孩號東皋烏程人官西鄉  
知縣著躬耕堂詩文集二十卷

湖州府志亥生為前明尚書如霖元孫弱冠舉崇禎壬  
午鄉試流離遷竄不上春官康熙戊辰就選得陝西西  
鄉縣時演黔亂後流亡未復亥生加意拊卹請闕新墾  
稅銀并蠲茶課有前令三人坐通賦二人已定一人與  
一令子尚生繫亥生設法以償得釋歸會有誣搆  
者遂解官亥生通陰陽壬逝諸書詩古文尤工  
陳焯曰躬耕堂詩文集二十卷內古樂府一百三十八  
首明樂府一百首皆須全錄不能節鈔焯備有未刻稿  
而古今體詩已佚矣今所  
鈔者見於鄧漢儀選本

雨

積雨衡門下蕭條絕世情寒花落無數野鳥時一聲坐久茶



烟白夢餘香篆清偶然逢老友相對話平生

燕邸晤汪直夫曹石閭兩同年

廿年別去形容老此地相逢感慨多  
青草灘頭春欲暮黃金臺上客重過  
新詩宛轉吟芳樹舊雨淒涼話薜蘿  
便擬挑燈消永夜典衣沽酒莫蹉跎

薛載德

字厚菴山陰貢生官至兵部職方司郎中著素心堂例存

商盤曰太守詩長于五言東越詩巢中一老也

遊九龍山寺

山川千古閣錐鑿五丁開羣岫兒孫侍中峯  
日月胎雲深無路出花散有春來蓮社如相問  
游人不姓雷

秋雨

風吹一夜萬家秋鼓角聲聞動旅愁  
擁被欲尋初斷夢暗蛩

引雨集牀頭

余兆琪

字東來山陰人宛平籍諸生著有且吟

別楊維翰

相逢一何遲相別一何速秋水繞河干似我離腸曲

王宗儒

字式玉號蘭渚山陰諸生著在茲堂詩集

越風翁為載溪先生令子博觀經籍遠近詩業者等諸河汾之盛生平不妄言笑鄉里以德人推之詩不多見故所收從略

送友入秦

金風獵獵拂吳鉤萬里輕裘不可留揮袂帆隨孤月落乘繡鞭指五陵游峯迴鳥鼠秦雲斷路入蝦蟇隴樹秋他日玉關誰早入休誇燕領足封侯

史

許

字華青號息園山陰諸生著息園稿

越風息蘭爲越中四才子之一詩  
氣槩嶺逸擇其森嚴法者存之

神絃曲

空堂寂寂驚秋風簷前月出銀河空琵琶一聲杳若語大絃  
小絃催急雨老巫呼叱蟲雷下小巫喃喃妖魅詭繁聲慢手  
宮徵換飛香走霧來富電神來乍覺春烟碧神去還疑秋月  
白騎從續紛十指閒冰車鐵馬何森寒山中有人招不得絃  
斷一聲如裂帛

唐芳第

字睿玉號綺園會稽貢生著有江賦集

行述略曰少府家貧奉母抵京師合肥李相國延爲子  
師供事

實錄

館告成議敘州判因母老不謁選合肥沒乃奉母寓

德州再遷濟南竟坎壤以終晉安鄭嘉卿爲少府作傳  
以爲近目詩人之厄未有過於少府者生平著作卒  
之前一月盡取焚之惟江賦集已行世故獨畱云

過摩訶菴看牡丹

時丁丑閏三月

兩浙輶軒錄

卷十三

客爲尋芳扣古禪  
滿身香影拜金仙  
坊中貰酒澆紅雪  
馬上題詩寄紫烟  
春色過三畱  
閨月名花第一在  
諸天  
舊游猶寄潛溪寺  
杯覆黃衫正少年

別金青邱

漁陽古道雪初殘  
立馬西風老據鞍  
短髮自遮紅抹額  
悲歌誰送白衣冠  
酒徒判袂千山醉  
詩艸分題兩地看  
後夜相思知有夢  
桑乾河上月如盤

吳

升

字征吉號餘園蕭山諸生著聽松樓集

孫度曰按毛西河合集有吳征古聽松樓近體詩選序

晚霽

細雨濕屨阿晴光  
映晚莎三山歸犢早  
半嶺夕陽多人語  
溪邊路花飛洞口  
蘿尋幽來別墅  
南望發新歌

鍾洪名

字實先瑞安歲貢生著文峯草

奉陪司李嵇公飲大觀亭

盤遊蕭寺似登仙  
岩畔松濤入管絃  
叔夜聲名原籍籍  
子安才藻自翩翩  
涼生竹篠三更夜  
醉盡荷簫六月天  
况復羣公詩思遠  
吟餘明月滿前川

梁

祉

字介繁樂清歲貢生著池上編

趙胡照池上編序略曰先生遭康熙甲寅乙卯之亂蒼黃逃竄流寓三江稽遲閩越晚乃歸南郭之池上時邑令徐公化民欲與之交常避匿不與見公後獨攜一僕造之謹然談詩終日而去

田居擬陶

幽栖西崖下  
境僻遠四鄰  
出門寡問答  
常與兒女親  
田野歲月長  
骨肉情意真  
園池繁花草  
遊戲采青蘋  
玩物識氣和  
選景知候新  
芳華易云邁  
懷抱難具伸  
及此銜盃酒  
無使悲後

人

夏日歸山中

深林積翠濕五里到茅堂曲澗新蒲綠高田小麥黃閑雲知

我懶流水比人忙緩步松陰午藤花滿石牀

毛以渙字瞻武遂曰援貢

毛奇齡撰傳略曰瞻武生而舌正方六歲不能言及能  
言而穎異絕倫博極羣書康熙甲寅闈變賊蔓延喬處  
間瞻武為父士希年已八十矣賊獲之索金錢無所得  
將縛以爲質瞻武前叱曰縛即縛我耳叔老無相楚賊  
即縛瞻武去至闕城南九龍山其渠帥見瞻武欲相爲  
書記瞻武裂帛得馬瘦毛長之語初弗解也會賊潰脫歸  
祠瞻武卜筮得馬賊馬勝也後爲語初弗解也會賊潰脫歸  
始知筮云馬者賊馬勝也後爲語初弗解也會賊潰脫歸  
及遊雍名噪長安歸後值余乞假里居常相過  
從瞻武爲文力追漢魏詩格在唐人王孟間  
此君亭詩話克亭述其先人既爲賊用其猶子彬潛往  
賦樂何其撈管橫甚少與金求緩百方營救得以不  
死瞻武既以身代叔彬復不避斧鑕以詩曰分爲叔姪親如弟  
均足傳世後彬前死瞻武哭以詩曰分爲叔姪親如弟

竹馬回頭雨小兒今日衰年成永  
訣不如早死亂離時憶亦可哀矣

舟過礪李訪沈四嗣遠

爲憶山窗共研時登臨鑒嘯得追隨日長沽酒雲歸閣夜永  
讐書月滿池北去河山新氣象南來花柳舊相知野航紆道  
今宵話明日行勝欲早治

九日汪元亮招飲江樓

萬頃錢江水危樓水一灣疎星依近樹落月挂遙山酒向愁  
時綠萼從客裏丹漁燈明古岸風露逼衣寒

項世溥

字資需遂  
目諸生

陳世修曰資需爲前明中丞東麓先生曾孫項氏在前  
朝富貴鼎盛中丞創雙溪家塾課家之俊秀復置義田  
以贍族年久子姪式微終誦之所僅存破屋且有私售  
義田者資需慨然頓還舊業資需貌甚和易而中實介  
然不爲俗移詩  
亦醞藉有遠致

端居

端居勘破利名關，擾擾風塵不駐顏。  
到老多情惟白髮，相看耐久是青山。  
無窮生事何能了，有限韶光那得閒。  
差喜衡門流水近，時時枕石聽潺湲。

謝緒恒

字子朔一字松軒鎮海副貢生順天舉人著問渠詩草

夜飲桂亭

主人遲客至，月影上前汀。  
酒熟陶公宅，秋生揚子亭。  
桂花零露白，石氣入衣青。  
睡到更深後，無人問醉醒。

金虞廷

字鳳言會稽人康熙己丑進士官魚臺知縣著海樵詩集

德州道中

征裘漸覺曉寒輕，路向黃河北岸行。  
濁浪一條奔歲月，斷雲幾片幻陰晴。  
春山帶客連天盡，野草隨愁到處生。  
卻憶故園



高閣望修篁初暗石榴明

月夜登鬱孤臺

亂山環水水環城十萬人家共月明  
攜得洞簫乘醉去鬱孤臺上散秋聲

吳振鐫

字友昭號戢崖山陰人康熙壬辰進士官渭源知縣

汪氏別業

窅窅入門去閉堂風氣涼四圍皆竹色  
一徑出花香水鏡涵虛幌苔衣上古牆  
地偏心自遠小憩白鷗鄉

鍾彝

字而彝號蘿村平湖人康熙癸巳舉人官黃安知縣著夷白齋集

舟過大別山

當年禹跡肇分荆大別臨江卽擅名  
地肺直通雲夢澤山形斜抱漢陽城  
烟籠絕頂迷苔徑浪打盤陀響石聲  
惆悵未能

窮勝槩東風正急木蘭輕

厲

煌

字思晦號皓然會稽人康熙癸巳進士官翰林院編修

題李建亭香雪廬

我居城北子城東十里耶溪一葉通因放琴聲開月寶爲容  
吟屐闌花叢池分賀監湖邊水春送孤山雪後風原是平泉  
佳子弟樹深石瘦未曾空

對月

碧天萬里夜光寒燕越迢迢一樣看我已星霜遶膝下敢教  
兒女憶長安橫塘菱芡經時熟故篋衣裳指日完客散更闌  
歸夢遠欲從孤鶴借輕翰

徐雲祥

字彩升號蘆江上虞人康熙癸巳進士官廣東新安知縣著蘆江集

徐氏一家言蘆江妾性頗鈍勵志讀書不輟寒暑年至五十始通籍充

武英殿纂修官得目疾之

官粵東甫三月告歸

客中閒咏

默坐便成臥開簾亦當遊鳥驚木易落石咽水難流斜日懸  
鄉思寒雪宿暮愁亂書誰復整徙倚白搔頭

山月涼如水池風冷似冰微微窺臥榻瑟瑟落紅燈途遠思  
兄弟形單念友朋何堪愁絕夜曲檻獨長凭

戴振沂

字又曾號秋圃德清人康熙甲午舉人

陳焯曰康熙甲午鄉榜吾湖獲雋者十  
九人德清得五人而戴氏兄弟居其二

晚晴卽事

遠岫烟嵐淡欲無一天晴色滿江湖樹熏斜日穿霞綺荷嫋  
微風走雨珠屋上鳴鳩知喚婦簷前乳燕解憐雛  
憑泊遣稍覺暄和脫舊襦

劉

揆

字廷九山陰人康熙甲

越風舅氏家有詩社良辰雅集分韻拈毫以甲乙品題

之母姨蘭亭夫人三十年前曾一預會賦詩云羣從才

名總顧爾詩城勝會擲通都女中

寄友

我有瀟湘竹中含太古音所思人不見孤月影初沈何日臨

風奏遙傳此夜心獨宜桓叔夏來聽老龍吟

沈元曾

字月帆一字葉持號茶莊仁和人康熙

朱彭日月帆初宰沅江察詩派之有累於民者勒石嚴

禁數遇水患發粟築堤民賴以安遷長州苗民獲悍素

稱難治月帆至則去土司苛政化導有方苗俗為之一

變後因病歸里囊橐蕭然日坐澹菊堂與藥爐書卷為

伍自謂人澹如菊洵無愧云

贈宗上人  
何圖今日見南能飛錫蕭然最上層僧臘欲偕山櫛老戒香

時逐嶺雲升秋來菊與人俱淡悟到詩將月共澄黃葉掩扉  
誰過問滿山風雨一龕燈

舟過瀘溪

百折紆迴鳥道斜懸崖深處有人家披頭向獠腰無袴跣足  
苗姬鬢有花怪石溪心蹲虎豹驚濤山下走龍蛇蠻方景色  
多如此獨坐船頭數暮鴉

春日郊行

春山滿路鷓鴣啼漠漠江烟送馬蹄芳艸不隨鄉夢斷夕陽  
還逐暮愁低白鷗閒向沙頭宿紫燕爭銜雨後泥明日溪邊  
訪漁父一竿湘竹許相攜

湘東

乞得閒身向薜蘿詩囊藥裹載輕舸荆南地盡湘流斷塞北

兩浙輶軒錄

卷十三

劉棻沈元會

風來旅鴈過蓬背雪飄歸計晚嶺頭樹老送人多年牛馬  
風塵客始脫朝衫換釣蓑

乾溪曉行

溪流汨汨助邊聲涼水初消潭影清霜落銅標新息廟風吹  
鐵戟夜郎城苗人裹飯犁秋雨崗叟衝烟釣晚晴旌旆悠揚  
鐃鼓靜自慙戎馬一書生

陸

筠

字觀文平湖人康熙乙丑進士官上猶知縣

送鄒奇徵還婁東

羨君翰墨獨超然慷慨論交正少年莫謂士衡能作賦須知  
鄒衍善談天孤舟夜泛吳江月驛路朝開震澤烟別後相思  
何所似春風同見草芊芊

沈曰綸

字卜子餘杭人康熙丁卯舉人官博平知縣

讀史

長夏烟林罨翠微  
良苗雨後湛新暉  
盤功須是求田少  
遠俗無妨結客稀  
處士盜名今盡見  
故鄉流寓竟誰歸  
桃花源路人人有  
向外尋之卽便非

百本梨花水一灣  
茅茨新構兩三間  
舊家王謝偏懷土  
多事巢由更買山  
孤臥始聞棲鳥亂  
野居惟有種花閒  
西風蕭瑟無秋夏  
鬢髮勞人夜夜斑

錢渭恭

字季清一字西清鄞人康熙丁卯舉人

偶興

西疇農事費經營  
乘興聊爲郭外行  
數畝山田催早種  
一犁春雨看深耕  
花間醉酒蛙鳴鼓  
月下繙書鳥報更  
贏得閒時隨處好  
飽餐粗糲老吾生

兩浙輶軒錄卷十三

四集 卷十三

西

徐侯召

字右符武義人康熙  
癸酉舉人著井汲集

望大家巖

大家山在武義治西二十里又名大姑山趾  
有新婦山二山相向晉令張彥卿女適幾月

姑婦並沒神靈各主一山大家  
雲起新婦仰雨亦山川一奇也

千年古剎聳危巒遙望徘徊興未闌石筍插天晴蔽日飛泉

挂檻夏生寒欲隨鸞鶴尋仙跡無奈藤蘿礙客冠聞道大家

風景別莫將勝地座中看

沈炳

字明遠鄞人康熙  
己卯順天舉人

經山海關登鎮東樓望海

雄關控絕漠萬里一登臺水色依天盡濤聲挾雨來乾坤疑

混合樓閣俯蓬萊回首長城窟秦皇安在哉

謝天地

字亦潛永嘉人康熙  
辰進士官杞縣知縣

陳輝曰天地為陽武令包  
京之孫東顧詩存作天植



江心寺

誰將卷石屹江中不與塵寰煙火通三島分支僊子宅六鼇  
背負法王宮雲翻塔影浮波面潮帶鐘聲過海東共道老龍  
眠欲起須臾雷雨滿長空

沈毓蘭

字香谷一字沅南海寧諸生著聽雨堂合草

冬日漫興

冬到人間已五旬一番收拾一番新風搖竹影不成翠雪染  
梅痕先漏春無藥能治纔是病有書可讀未全貧靜中多少  
蕭閒趣贏得超然物外身

范

鯤

字北海寧諸生

俞賈華曰范鯤制行醇篤潛心洛閩諸書得張楊園遺書編次行世大學士陳世倌其弟子也

贈友

翩翩書劍向燕州分手河梁不少留途出臥龍寒日曉關臨

倒馬朔風秋

時問由井陘抵都門

翩翩衛姓氏應投遍司馬文章又遠遊

莫道京華嫌寂寞三春花柳映盧溝

查

樞

字階六號左旋海寧人著慎齋集

選佛詩傳叔祖口吃而好學不求聞達五經三史皆能熟記詩宗昌黎當其得意頗稱神似

和陶擬古

戶庭長不出天地時獨游飄然萬物表俯視小九州脫屣乘  
長風濯纓臨清流塵緣紛且濁緬想歸丹邱如何不決去仰  
止孔與周俛焉追逸駕富貴非所求

何洪文

字大經一字適亭海寧人著餘閑堂集

立夏後一日作

一抹斜陽橫古渡水流昨日春歸路啼老黃鸝泣杜鵑聽成

字字傷春賦臨風掠水鬪腰肢尙有垂楊千萬枝且向黃公  
壚下醉柳邊月下已多時

沈毓蕙

字獲枝一字荔海寧人著聽雨堂合集

汪淮曰沈毓蕙與沈毓蘭詩合刻爲聽雨堂集

登大慈山尋虎跑泉

高峯插霄漢夾道長松繞中有虎跑泉搜奇窮窅窳健步跨  
藤蘿十里青未了深箐滿日光一罅青天小飛鳥與行人相  
遇在木杪紆盤路轉深鐘磬出林表幽尋挂錫人白雲何縹  
緲

沈謙

字履吉餘杭諸生

無題

秦簫吹鳳彩雲邊鄂被空熏怨獨眠瑣闥斜風闌玉女柏臺

清露濕銅仙春生黃蘗長含苦霧隔芙蓉不見憐徒費東阿才八斗更誰流盼屬芝田

鮑

械

字十年號魯菴餘杭監生

登靈岩山

路轉峯迴一徑平疎鐘微度午風輕山當閒處全湖見雨欲來時衆壑清片石已荒西子跡豐碑猶動後人情流鶯嘒嘒如簧奏擬宿僧齋盡日聽

史克泰

字左銘又字半農嘉興人著飲綠齋集

春杪送李蓼汀之都門

細柳參差日影斜送春兼又送仙槎愁心一片紛難解半爲離人半落花

朱昌辰

字霖蒼號雨人嘉興臨生著梅花閣殘稿

梅聖俞詩韓雨人陳觀好義姑母寡而貧欲度其二女爲尼爲擇上族嫁之故人子爲僧返其初服卒成士人僕某說以高氏進知爲舊族人其券資遺之詩亦力去甜熟

### 過碧雲寺

尋山如啖蔗漸入境轉佳碧雲舊所稱結構在陰崖埤塢望已遠步步踏烟階到寺日初午羣雞啼啾啾颺颺走翠瓦四顧呼其儕翻身走叢木快爪落松釵居僧年耄耄盡見客雙眼揩爾嫌禮法疎我喜便形骸坐久樹陰轉塵心頓封埋寂靜無餘念曠若游羲嫺久知山中樂城闕事多乖淺山無虎豹草市有狼豺隔離昔茆屋高隱與爾偕足不跡外戶嗜寡悵澹齋寺側有僧結屋號曰澹齋今僧死屋毀矣其人今已遐渺渺予所懷

王處厚

字貽孫嘉興諸生庭孫

### 秋日漫興

兩浙輶軒錄

卷十三

餘杭

七

秋色盡圖開長空絕點埃斜陽綠水岸紅樹白雲堆暑氣蟬  
催去寒聲雁帶來年年此搖落日夕壯心摧

史先震

字則君號雷門嘉興諸生著萍園詩草

諸錦曰雷門爲翼經子嘗扶杖得詩一絕云梅花溪上舊書生怕向人前說姓名澆土未曾杯酒酌年年風雨過清明頗淒婉可感

同李蓼汀張柯亭過靈溪精舍訪玉峯上人

門臨秋水際客到夕陽邊野鴿常依佛山花不離禪斷垣低  
見月老樹迴含煙欲共支公語閒窗許借眠

張費源

字寄緒別字眉淵嘉興貢生著學言集

至鳩茲訪雪門楊叟不值遂宿陳荀一宅

秋風送客到天涯千里虛停問字車轉喜陳蕃能下榻誰憐  
張儉已無家魯明江外重雲壓夢日亭邊落照斜剩有懷人

詩句在滿汀白露濕蒼葭

錢氏桃花園感舊詩

飭簫社鼓記繁華風雨河橋歲月賒故里如聞天寶事斷垣  
猶剩武陵花鶯啼綠樹尋韋曲燕啄香泥認謝家尙有風流  
賢地主春晴莫惜泛仙槎

徐燿然

字兼六別字松塍嘉興監生著蓮西詩草

錢仁榮日松塍  
爲處士在之子

遊五泉寺

亂山深處入僧舍不知名古壁龍蛇動殘碑點畫平磬疎雲  
外出泉遠樹中鳴到此消塵念坐看溪月明

李國孚

字信之鄞人

和友人偕隱西湖

卜築依山水煙霞在夢中月沈歌管細雲散舞衣空嶺樹隨時碧汀花別樣紅行吟春意好芳草媚東風

章朝銓

字枚吉一字枚菴鄞人歲貢生

續耆舊傳章氏自都諫以來世有名臣長與始以詩起至枚吉族兄有樓林居士錫允者字培叔尤以詩名國博亦從學為枚吉兄弟得其傳而枚吉喜為香奩之作兼工小令尤翻翻俊人也曾稽章侍郎格菴之子无咎來甬上最傾倒於枚吉倡和甚歡

子夜春歌

院宇綠陰沉林靜鶯啼緩掃却落花痕春風吹又滿

王之達

字質雨鄞縣諸生

袁鈞曰王之達為胡爽孫

七夕感懷

一別秦樓夢杳然興雲空鎖別離天擬將織女機頭縷結盡



人間未了緣

董允

字扉雲一字梨山鄞縣拔貢生允男

弟授臨漳知縣擢工部主事著篆言

袁鈞日董允霖以太學高等授

知縣有治行擢主事卒於官

去鄴雜詠

老婦踉蹌挈小筐滿盛野菜色鵝黃阿儂相送無佳味親手

挑來漳水旁

莫嫌野菜苦難聞民苦還添菜十分臨別特將持作贈得知

儂苦莫如君

桂興宗

字燕詒一字秋厓慈

桂氏清芬集秋厓父仲升公明崇禎間守備狼山遂僞

居通州之如皋幼好吟咏喜中晚唐詩嘗遊楚豫秦蜀

頗得江山之助故其為詩

工穩韶秀有唐人風味

敝廬

地僻容迂拙家貧少是非林風知虎過寺雨見僧歸寒屋晚  
煙瘦煖沙冬笋肥兒童謀釀酒春秋夜燈微

泊桐廬縣

將泊桐廬落照殘翩翩倦鳥亦飛還舟來細雨秋江上縣在  
羣峯翠靄間背谷樓臺燈影亂臨流邨店酒旗閑須知勝地  
難常到痛飲壺頭博醉顏

丁亥九月六日赴延綏鎮府湖北方伯王公星聚臬使  
徐公棟雲暨兩幕親友餞飲卽席賦此贈別

秋深黃菊繞紅亭簫鼓悠揚酒盞清其餞從軍新幕客却慚  
垂白老書生江頭煙雨看帆度塞上風沙聽馬鳴此別如何  
慰知己據鞍猶自覺身輕

謝謙昌

字對越鎮海諸生著  
閒情草西堂小草

詩文草創小傳謝秉昌詩集嫌於多愛似少翦裁然七  
言如十部書聚游子擔一枝梅寄故人情憐妻善病占  
乾韻臨事多疑類野狐不將濁酒濡頭醉恰遇殘棋袖  
手觀五言如神餘無味助鑑撥未然灰受降原不殺摧  
柯勿論

功皆工

袁鈞曰謝秉昌爲

渭孫以孝友稱

### 西堂

濠濮年年想閒來坐釣磯一竿渾水闊三尺鰕魚肥地僻月  
初上春深花亂飛不須時謝客蓬徑自來稀

潘瀛彥

字若海象山人著鳴缶集

### 遊靈巖山

靈巖渺天際薄暮氣氤氳架屋憑巖谷開軒半水雲斜陽渚  
前沒虛籟座中聞濠濮悠然想平生魚鳥羣

沈之法

字漢章號野山陰人著龍澗山房詩鈔

越風野工書得雪瓢筆法子家福號條塵孫士鳳號  
南塘士熊號六筆俱以書漢名于世敦孝友以德門推  
于鄉紙田黑穠義理豐  
年沈氏真不嫌斯語

祁雪瓢夫子柯園

鴛雨池邊伴鶴居庭柯掩映草花疎先生罷奕方高臥衲子  
敲門又乞書山色穿簾清畫永蟬聲在樹夕陽餘季真湖上  
梅仙里醉雪眠雲任所如

何嘉頤

字亦明號葛  
民山陰人

鄧漢儀曰詩忌應酬以其膚襲諸諛無有性情亦不關  
經濟一望冠蓋姓名喧闐滿紙真可嗤也讀亦明諸詩  
雅鍊深切是不  
肯與時尚合者

金山

憶昔登臨到上頭下觀無地俯長流相逢廿載還乘興不似  
當年更倚樓老病驕人惟白髮江湖送我又清秋濤聲堞影

過遭合鎖鑰烟波向十洲

龔汝賓

字少白山陰貢生官秀水訓導著紅蒲詩集

越風少自田家一詠於村居風景宛然畫出

西塢田家

石路環幽壑斜陽挂澗霓遙看數家屋更在斷崖西  
藤葉藏松鼠茅簷喚竹雞幡然兩林叟相與話扶藜

張

斐

字非文會稽人

越風張翁坐雨一詩能狀悽慘之色讀罷冷氣逼人

島中坐雨

海暗沈秋雨林迴偃夕風寒花欹絕岸獨鳥匿深叢  
漂泊應吾道蹉跎已老翁極西鄉國在萬里正空濛

姜

諫

字問忠會稽人槧子

兩折舊軒梁  
何嘉頤龔汝賓張斐姜諫

圭

鄧漢儀曰予極賞歎問忠詩而不知爲鐵夫令嗣也其  
年寂詔其詩才最妙要不肯作猶人語而又入格掉鞅  
詞苑非君其誰

### 夜宿山寺

危嶺垂三折珠宮恣冥搜  
暗泉流屋脊亂竹長雲頭  
夜虎投巖磬春星散石樓  
我來徑一宿却擬到滄洲

### 雨

山田雨後稻秧肥坐聽樵歌出翠微  
更喜夕陽西角望隔溪多少鷺鷥飛

俞

都字靜古會稽人  
著種山詩選

### 閩溪

我行遡閩溪危灘凡百疊灘灘尋丈縣疑與天漢接  
驚濤千里奔浪花高積雪怪石立縱橫虎豹紛噬嚙  
水石兩不降陰

陽怒將洩攀緣蘿薦崖出沒蛟龍穴邪許百丈牽帝閭叫應  
徹胡不遣五丁疏鑿成坦豁青山閱世深齒冷利名轍執鞭  
旣難求從好安吾拙

江北婦

長江衣帶水風氣殊南北健嬾把鋤犁青裙掩赤足藍縷成  
家風泥滓代膏沐襁負乳下兒歸耕隴上犢綽約邯鄲姬方  
貯黃金屋

春睡

春睡正美晴日高杏花嬌小紅欲燒流鶯饒舌苦相聒匆匆  
蜂蝶徒爾勞山齋無事淨若洗晝永如歲無氛鬻先生塔然  
掃百慮明窗時有青蠅敲

史載麟

字汝繼號緒基蕭山人著緒季軒詩集

蘇堤曲

芳堤屈曲長虹繞紅杏差參弄春曉畫閣蛾眉映幙深青樓  
粧鏡開奩小閣下垂楊起又眠樓邊官道斷還聯貴游惱殺  
張公子立馬雙垂白玉鞭

沈探奇

字次安號文樵蕭山  
歲貢生官餘杭訓導

築圃

虛窗四面射朝暎曉起扶筇啓竹門曾學郭駝能種樹謾誇  
董子不窺園籬疎却有桑麻補徑僻曾無車馬喧春雨一犁  
蔬筍長好偕菽粟佐饔飧

金

淵

字子英號若  
水餘姚人

姚江詩存若水先生早歲能詩卽爲翁祖石所稱許嘗  
受六法於李鼎孫其後參以營邱一峯自成一家同時  
鄒古岳邵白山並工點染見若水畫輒遜謝勿及愛四  
明之蘿碧山每言諸君愛我畫不如四明白有真畫耳



死後葬于蘿碧  
蓋從其素志云

### 大善寺壁劉雪湖畫梅兩大株

雪湖劉子果奇絕壁間發幹真如鐵一枝二枝千百枝本大  
花繁不嫌密著頂一枝竟斜倒欲落不落霜痕掃淡烟薄霧  
籠其腰更添明月來寒梢我欲攜尊醉花下畱連賞玩不能  
罷醒時花氣襲人裾髣髴淡粧來雪夜

### 礫吟

峯頭怪石蹲如虎洞口奔泉吼似龍莫道山人無伴侶雲歸  
還有六朝松

邵國麟

字在陬號醒齋餘姚諸生著有齋集編

姚江詩存在陬治文有筋節任所指畫能使人鬚眉畢現關百詩稱其所著浙江潮賦有古作者意

紅蓼灘弔趙子昂

尋常燈火逼溪寒松雪門牆倚棹看斜照半林秋似畫蓼花紅過摸魚灘

張廷字

字象卿號二橋餘姚諸生著兀者炯言

姚江詩存先生客遊蘭陵倚竹天寒自煨佛火發為歌嘯何啻鹿茸囊龍梭錦也

空山

空山忘歲序聽徹杜鵑啼愁思臨天末悲吟過水西樹分湖月小峽東暮雲低不盡蒼涼意窮途轍又迷

洪熙揆

字漢箋號惕菴臨海貢生熙績季弟官鎮海訓導著困學編

陳焯曰熙揆為僉事虞舜第四子以明經司鐸鎮海修文廟日與諸生講學鎮海地瀕海潮上下易淹易涸為相地建開墾時啓閉常有水以資溉田而無漂沒之患冷官而能及民可謂難矣

由魏嶺入天封寺

黃祿孫支入靈越華頂插天雄截樂蔓延魏嶺結台封郡則

如瓜邑如甍，叢好那識管子書。上有磁石，下有鐵，信手穿山見黑砂。千鋤萬鐮，何曾歇還希。鼓鑿欲分金，不顧桐洲水成血。良吏聞言，意愕然。軒車相度，登其巔，割裂靈墟十餘里，難取烟雲爲接連。此日令行，旋禁止。苾芻休惜買山錢，時余獲侍雙熊側，似聽山靈長歎息。填海猶煩精衛衛，補天曾煉媧皇石。願振驅山鐸一聲，能使蜿蜒勢如昔。作歌聊以示來茲，敢期紺宇紗籠碧。

謝于宣

字來侯號月麓太平人

陳焯曰：月麓寓橫山，無意仕進，有一帶山雲村勝郭半篙春水，士歸農之句。

訟山呈黃邑張中尊

墨綬銅章出漢家，隨車膏雨足桑麻。西方解讓周人畔，南國翻爭楚鄙瓜。滄海飄飄飛乳燕，寒林颯颯起啼鴉。封墳三尺

誰爲主掩骼休言往事賒

按前明黃巖令高材嘗批訟山牘詩云若無山下累累塚料得爭山

人更多詞婉旨深大可諷世月麓所作訟山詩爲祖父邱墓所在不可並論也

樓宗雷

字于鳴東陽人

登鳳山

雨後停車向講堂步探巖岫興偏長中峯孤湧一拳石絕頂  
青浮千尺蒼手握石脂凝作髓杖敲松節老生香幾時還入

天台路萬丈岡頭過石梁

吳學垓

字敷九東陽人

落葉聲

爽氣橫空木漸凋清音蕭颯間殘蕉敲窗半作松風響入夜  
全疑竹雨飄伏枕幾人愁夢斷挑燈有客旅魂消不堪最是  
猿啼處切切悽悽暗石橋

趙雲璠

字巖夫東陽人著楚遊記程詩

九日秣陵道中

秣陵逢九日杯酒強爲歡客久裘將敝秋深楓自丹帆風千里隔蓑雨一江寒兄弟遙相望茱萸不耐看

贈衢州守戎

閻政由來肅軍功近奏名豹頭眞將種燕領亦書生校射穿花野哦詩出柳營昔年曾顧曲重擬聽彈箏

樓凌雲

字子煥東陽人

金華詩錄樓子煥從學其族子駿故詩亦相似所作讀書一篇頗似劉賓虛蕭穎士螢火一詩脫然町畦之外

遊穀峯

白雲一朵穀峯巔空山日落烟蒼然林外流泉四五曲谷中古樹三千年功名不成拂衣去此山正好營茆田

李俊佺

字逸仙東陽貢生  
官嘉興府教授

暮秋曉行

秋曉過郵亭飛螢尙自青  
邨雞啼落月澗水照殘星  
露白單衣濕風寒宿酒醒  
莫嫌時晚晚黃菊隔籬馨

夜宿蘆溝

砧杵千家動星河一雁翔  
水聲寒到枕月影淡侵牀  
夢逐關山遠心隨刻漏長  
舉頭紅日近且起整行裝

鄭遇春

字夏寅義烏人一作  
蘭谿人著月溪集

過友人山居

東郭先生何處邨板橋茆屋隱  
雲根四圍風氣碧于水數里  
閒花香到門壁有新詩知得句  
家藏斗酒足開樽歸途日暮  
時回首惟有深林鳥語喧

洪允公

字爾爲一字健菴浦江歲貢生著天文辨疑壽峯雜草

對月

夜氣靜太始孤光浴冰輪對之雪懷抱浩然開八垠吾意正如此萬里無點塵

黃朝珪

字信侯永嘉人

西津橋

鼇背依空立憑欄賦壯遊櫓聲隨岸轉樹影逐溪流日落千巖暮風迴萬壑秋坐來狂思發長嘯起沙鷗

黃

詒字聞如永嘉人

月夜登浩然樓

登樓良夜逢三五月色江聲正當戶月色照人有去來江聲走月無今古坐看江月兩悠悠萬丈明河天際流欲挾飛仙

兩浙輶軒錄 卷十三

李俊和劉建春撰

庚

唱黃竹隨風直過鳳麟洲

王雲孫

字長雲永嘉人  
詠子著自怡集

孤嶼贈劉豐門明府

清秋雙舄到江村萍梗逢君喜共論白鶴雲中常矯矯朱霞

天半白軒軒二毛未許閒潘岳百里應知屈士元勝地只今

留一宿月明松下暫開尊

曾曰忠

字道先號澹園永  
嘉人官仙遊尉

東甌詩存澹園為鳳翔子以  
曾孫儒璋貴封中憲大夫

笙臺

郭外峯高子晉臺曾傳仙跡隱崔嵬蕭蕭嶺路迷荒草鬱鬱

松根長綠苔駐鶴亭空山月令吹笙人去野雲迴只今流水

鳴幽谷疑有遺音度壑來



朱鴻瞻

字表民號然齋瑞安或貢生官宣平訓導著竹園類輯十卷

廣陵邸中會北上同人

自涉吳江賦北征東風吹騎過蕪城文章始得新聲氣吾道  
誰爲真主盟萬里河山懷往蹟一春花鳥適遊情挑燈暫聚  
寒宵話似有雙龍匣底鳴

倪祖喜

字嘉賓一字雲逸海寧人著居易齋集

夏日村居

槐移午影小窗明水溢盆池曲檻平綠葉忽低知鳥立青蘋  
微動覺魚行半園梧竹秋先到一榻琴書夢亦清旋看露涼  
山月上西風透體葛衣輕

蕭彬

字凝遠一字文長海寧人著文長詩稿

久客

兩浙輶軒錄

卷十三

三

三

潦倒風塵客飄零久未歸空懷壯士志長愧白雲違江冷潮聲咽山空木葉飛鄉書杳難達早晚試寒衣

殷際盛

字方來海寧人善桑者居吟草

雜感

秋風動地起百草淒以衰光陰逝不反觸緒多傷悲骨肉殞死喪親串亦孤危榮名不早立晚歲徒齎咨

池魚樂深潛谷鳥思高遷物性有如此人何獨不然吾生秉微尚俗反謂拘牽鄉愿豈敢效名義實所先區區流俗情何必求合焉

范

核

字次希一字緘翁鄞諸生悟弟著慎餘堂集

績者舊傳緘翁少與其兄寄翁並學詩緘香於宗丈正菴家世寒素年幾六十始補諸生舉生但知爲詩布衣破帽攜手而吟情狀癡絕長於截句尤擅勝在五言短章促節得古人小樂府之遺與史雪汀善其後有隙在

見不肯均茵然語及雪汀之詩  
未嘗不稱善可謂虛已之士

秋日漫興示門下邵思蓼翰林

風雨連朝捲屋茅研田有稼石原磽園林缺處雲能補草木  
貧時葉屨拋膝下未婚兒子大眼中多白友人嘲略欣菱茨  
淹佳客翦燭西窗話久要

只爲江皋幾樹楓晨興曳杖怯西風投竿沮洳箴侯喜握筆  
斯文笑馬融香定桂花開社鼓色枯荷葉篆秋蟲日湖耆舊  
人誰在應數緇翁作放翁

范廷諤

字質夫一字訥齋鄞人光陽長

續者舊傳訥齋跌宕有才楊蒲一擲百萬兼

喜狹邪之遊故其詩有雄氣亦時作綺語

袁鈞曰范廷諤少從其父於講經之會獨喜讀史凡兵  
刑錢穀古今沿革皆究其故黃宗義稱爲通今之學光  
陽守延平案牘多出其手知泰寧民有投牒者立與剖  
決庭無留訟獄無滯囚巡撫陳瓚首薦之會以病卒

兩浙輶軒錄

卷十三

沈氏盛范彬范英

元

隴西道中書所見

幾樹垂楊壓土牆桃花密處隱山莊  
邊關堡與城相若市日人隨馬共忙  
席地奚童皆北調倚闌少婦忽南粧  
騎驢不是黃塵客匣有吳鉤白似霜

謝登山先生賣卜處

建溪驛橋頭有宋謝登山先生賣卜處  
遺祠久廢斷碣無存綏安名宿何江邨  
秉鐸茲土特樹碑表之并賦詩紀事  
索諸同人屬和時方讀紡授室集卽效其  
體寄之

塵懷病況少新詩敬爲先生一賦之  
卜世卜年長有恨爲臣爲子兩無疵  
死同孤竹殷亡後事異君平漢在時  
嗚咽只憑橋下水子規啼罷雨絲絲

洪熙績

字易乾號勉允臨海人康熙癸酉順天副榜補中書出爲南寧府同知著菊坡詩草粵西風土記

經正學先生故里

誰家飛燕啄王孫孤鳳悲鳴一是存  
黼展莫援姬旦事詔書難負孝陵恩  
文遺遜志千秋種井聚同心十族魂  
回憶雨花臺畔月叢祠兩地照乾坤

吳

瑛

字侶白蘭谿人著樂賢堂殘稿

歸舟

興盡移舟去風帆趁晚晴  
酒仍篷底飲花向櫂邊迎  
落日銜山下歸禽帶樹橫  
醉扶登岸別燈火滿江城

董元密

字誠夫一字少伯鄞縣監生

袁鈞

日董元密爲永昌知府勞子早卒

晚歸次二兄韻

信步城南望野疇竹籬輕護小門幽  
柵魚深處雙橋鎖放鴨  
船來一葉浮春水都歸江口堰夕陽半照寺鐘樓  
晴光爛漫  
看如許明日旗亭覓杖頭

陸

溥字雲程平  
湖諸生

看菜花

閒踏春泥過野塘杖藜隨處野花香  
柴門深鎖無人跡一片  
蜂聲鬧夕陽

李珣和

字律陽海寧諸  
生著雲坡詩鈔

春晚

滿院蓬蒿一徑閒  
卷簾只有燕飛來  
閒堦盡寂無人到  
坐看楊花點綠苔

鄭

培字文溪海  
鹽監生

都門送柯翰周遊匡廬

去年逢君邯鄲回朔風蕭蕭雨雪催今年逢君歸故里薊門  
花落紛如綺君家兄弟稱雄豪池塘新句夙所標牙籌逸興  
飛觥外彩筆吟成明月高邀歡未幾別何早揮鞭復出燕京  
道攬勝將窺瀑布奇舊游設說嵩山好君不見廬山五老潯  
江旁上有九疊屏風張香爐籠愁吐雲氣羣峯矯若驚龍翔  
揚帆迢遞從茲去離情渺渺三潭樹遙想陶潛種秫時還看  
靈運題詩處知君乘興到雲林回望鄉園鳥道深青牛谷口  
烟霞晚白鶴觀前松檜陰伊余夙慕巖泉久見說名山每回  
首空佩金箱五嶽圖年來錯向長安走長安道上還送君拂  
衣欲往愁塵氛迴峯九轉多猿狖向月哀鳴聲入雲借問廬  
山幾千尺秋風欲試登山屐請君直上漢王峯爲予拂拭廬

山石

王

鶚

字公肖號表秋永嘉人康熙庚午舉人

贈烏程嚴公亮

海鶴丰姿大耋齡  
茗溪烟水久沈冥  
每將野服裁蘿薜  
閒倚長鑱斨茯苓  
採藥豈殊東海叟  
移文不愧北山靈  
笑余心自爲形役  
矯首天南望客星

陸次雲

字雲士錢塘人官江陰知縣著澄江集

朱彭曰次雲高才績學連不得志於有司康熙己未以鴻詞徵復報罷尋作史州縣有善政丁父憂去之日民走送百里外起率江陰蔽酒徵歌風雅好客一時名士至常郡者必過訪詩集係宋既庭蔡九霞選定尤西堂爲作序考雲士詩集外著有北墅緒言玉山詞湖塘雜志八絃譯史荒史譯史紀餘蠅志志餘芙蓉城四種曰尙論持平析疑待正事文標異史間拾遺借米全刊今多散失矣

北征雜詠



蒼茫投逆旅，暝色接殘陽。滌面先呼水，更衣次解囊。澆愁傾  
濁酒，養力臥匡牀。人定寒燈滅，孤衾受月光。

戒心臨險阻，僻路復荒年。暴客多鳴鏑，貧兒競索錢。徬徨過  
雜樹，僂倖遇炊烟。杞思填膈切，凝眸望碧天。

得過三觀下，因上岱宗巔。海吸長河遠，天包大地圓。五更先  
見日，九點半升烟。孰謂方隅廣，迴環睥睨前。

贈芷江隱者

十二峯回十八灘，漁舟欲上問津難。山亭春盡無人過，開遍

桃花只自看。

李夢本

字安公，號懷堂，錢塘人。著《寶墨齋詩》。

春雨偶成

忽見堤邊草盡生，又聽澗底細泉鳴。風輕不捲村煙濕，雲重

偏停嶺樹平歸燕集簷窺舊社老農荷笠理新耕最憐思婦  
樓頭目咫尺迷離望遠情

戴

熙 字斐男錢塘諸生有鸞峯遺稿

春雨懷俞庶諧客潮州

雨湖陽遠天涯歎索居一春連日雨萬里數行書野艸陰  
常溼梅花凍不舒未裝聞已近驅馬莫躊躇

沈謙益

字孟嘉號長蘅錢塘貢生善化外集

朱彭曰嘉登以明經應京兆試二十年不得上世居北  
郭與張泰亭稱莫逆交所著花外樓集四明史立庵為

序未

憶西溪早梅得頭字

梅信西溪早何人更倚樓林花開臘暖谷鳥語春愁酒旆山  
橋外鐘聲古渡頭應憐竹林靜歸去泛虛舟

和朱荔裳先生遊壑菴

夙有烟霞癖登臨興不孤潭光殊悅性樹色不妨湖燕子穿  
虛牖蜻蜓點綠蕪可知招隱地更欲著潛夫

沈紹姬

字香巖錢塘諸生著寒石詩鈔

朱彭曰香巖年十二即學爲詩方其經營慘澹嘗竟日不暇食家人至擊其筆不得家家本素封居東坡橫河兩橋之間頗擅園亭之勝後因家難棄家遠遊晚寓袁江垂二十年僦居僧舍煨折足爐鬻文自給維揚太守傅澤洪序其集曰香巖與雪帆性情同才品同其境遇亦大畧相同又皆予至好他日當爲合傳列之維揚寓客中以存武林兩詩人之名亦千秋之佳話也

淮陰侯

鼎足才堪角兩雄當年應悔滅重瞳分羹父子恩猶薄推食  
君臣誼豈終獨有千金酬漂母曾無一語感滕公名成自古  
身當退沒齒休論百戰功

重過燕子磯

秋江寒色曉霏微  
挂席重經燕子磯  
世事正如潮不定  
客心猶共鳥爭飛  
名山過眼都堪賦  
好夢留人只當歸  
却羨蘆中有漁父  
風波到處總忘機

少年行

對酒當歌氣似虹  
金盤一箸萬錢空  
引刀割斷倡門柳  
更有

何人繫玉驄

景星杓

字亭北號菊公仁和人著

桑調元傳畧曰先生父邦鼎字三岳豐于財性任俠出  
黃爲人排大難者三人呼爲景三俠先生而磊落不  
拘小節常集畫艦數十招詩人酒徒邀遊不之驚  
故通音律方洪飲援遂作數弄隔湖八幅耳曉亮有奴  
曰青猿最趨捷酒酣耳熱起射林薄問命青猿疾取箭  
爲樂家業洗如已而儒然折節讀書葺屋城之東阜花  
木叢竹環蔽之不見廬舍屏妾子獨居三十年名曰勃  
堂自爲之記精心種菊因自號曰菊公尋厭其喧遂弗

種散菊種數百于東城數年後人猶呼爲菊氏菊賣文  
爲活連遇歉歲尚窮義不苟取元日晝無粒粟屑著積  
爲食而已不問晴雨恣遊湖上諸山詩成自歌震蕩林  
木所著有菊公詩五十卷抑堂詩十卷醉翁詩二卷菊  
公詩八卷抑堂詞一卷松風詞一卷抑堂文十六卷文  
黃一卷山齋客譚十卷雙史三卷俱手錄書法絕類山  
谷庚子秋疾作易簣前一日命檢詩文稿授調元屬他  
日編存吾集寧簡無繁枕上咏別同好詩浩然而逝其  
日爲重陽日壽六十有九葬方家峪

又抑堂詩序畧曰先生之詩絕空依傍直吐性靈歿後  
二十有三年顧樊樹過調元所帷誦之聽慕風節以平  
生不識景丈爲恨原藁分菊公抑堂醉  
翁三集今統標曰抑堂成先生之志也

西溪永興寺看梅感舊

不履花宮三十年佛燈禪榻倍蕭然還尋鄉日題詩處猶是  
西窗小閣前幽侶半歸松柏臥老夫重對水雲眠溪梅豈識  
人憔悴風墮明珠到檻邊

宿石筍峯

兩浙輶軒錄

卷十三

景星

三

尋源入深處精舍出林邱  
瀑響前溪兩山生四月秋  
一峯危拔地萬箐密藏樓  
境冷不成寐題詩最上頭

屏俗

曲徑門依水三楹屋向城  
就中棲一老偃息閉雙荆  
黃葉峯前寺青陽陌上觥  
舍茲曾不出莫訝嬾逢迎

偃松

不作干霄勢蛟龍耐蟄藏  
倒根蟠絕磳穿瀑下前岡  
何幸逃斤斧多應謝棟梁  
乾坤有餘力聽汝臥山陽

湖州

城上飛甍接蜃宮望來朝夕水濛濛  
高懸一鏡五湖月相送片帆千里風  
漁火夜紅收鱖鱗蘆花雪白下汀鴻  
扁舟欲訪元真子細雨青蓑老釣筒

過訪桑文侯

桑公古君子比德於璿璣揭來喜屢覲顏色清而舒窮年兀  
不語此中有太初靜者心自妙不讀仙佛書教子追古人長  
貧樂只且風甘白華養鼎食非所須昨宵一雨過庭草綠有  
餘東臯春事起把杖意何如

飲五柳居憶戊辰秋同汪秋原巨觀醉此已十三年矣

悵然感賦

天都煙霞窟奇士之所匯二妙相間出邈矣青雲器日但走  
巖壑衫袖拂蒼靄昔從二子遊巖搜造幽異酒人送來去五  
柳存舊肆每臨湖上樓浩歌聊取醉山川無今昔人事有隆  
替踪跡惜飄散秋原居吳門巨觀久寓長水十年一駒逝忽復登此樓秋  
山有餘翠清詩參陶謝真樂懷莊惠把琰追故人浮雲暮迢

遞相見卽有期鬢髮各憔悴嘗恐壽命促凭欄發深慨

### 糴官米

雞鳴風淒淒餓夫悲語妻侵晨糴官米歸來雞還棲此去夕  
不返應恐魂來歸不見鄰家老頭裂緣鞭笞又聞寡婦兒踐  
成足下嚮始食官米賤可食何知涸瀾攙糠粃况復臨險難  
畏若虎穴躋還期相守分餓死何復就爾官倉爲

### 清波菴納涼遇雨

短櫂蓮塘入門襟一水開高僧閒茗待深竹送涼來未漾波  
心月已殷池上雷余懷在灤濮安得夜浮盃

張賁孫

字祖明錢塘人有  
西陵二子詩集

### 過孤山廢莊

先祖讀  
書處

興廢何年事荒年此獨存野花低燕子枯竹長龍孫有客誰



畱姓無牆不閉門登臨懷祖德俯仰欲銷魂

張纘孫

字宗緒錢塘人有粵游草

上十八灘

巉巖潭底路何必數羣叢地扼雙江合天開百粵雄榜人勞  
白晝詞客畏長風不歷山川險誰知造化功

馮

景字山公一字少渠錢塘監生著解春詩文集

杭州府志文苑傳馮景于學無所不窺年十七卽學爲古文涵濡沈浸而說經之尤邃卒年六十有七

入樊中登後樂山望千竿園

檀儲有懷

瓦綠魚鱗竹屋低虹梁高且絕攀躋例垂柏葉張青蓋亂點  
薇花簇紫霓仙跡當年松花石

南宋物

祥徵昨夜鹿生甌蓬壺

咫尺仙凡隔風動琅玕望欲迷

八月十五夜場屋聞雁

射策五千言主司例不看野夫必盡誠正書遂達旦圓月如  
金盆彩雲細零亂十千魚鱗屋燭光動星漢角吹明遠樓二  
更人盡散我方疲左肘脫囊未及半懷哉歡宴人青霄引杯  
玩推排十許年仰屋起長歎窮達固有命苦爲浮名絆孤鴻  
鳴天衢漸遠從此斷

秋夕過北郭汪園懷寓昭

時爲鎮遠令

兼憶舊遊

昔日繁花水綠波蘭橈泛酒雜笙歌黃頭起擊鼙鼙鼓紅袖  
坐翻鸚鵡螺一失春鶯遊屐少祇今秋蝶女牆多風臺月樹  
皆陳迹惆悵疎星點薜蘿

仲冬望夕復同汪少孤吳天濤飲觀我軒看月次天濤

韻

朱霞半天散無跡千山萬山烟光白天相搖芒屨馬嘶猶喜

處士星黃澤今夕冰輪異常格酒人入室開瓊液切鵬分鰲  
佐晚肴三人共醉青松側鹿去安眠天自全鶴來起舞情尤  
適罷酒登山寄幽討千年松枝化爲石萬物變化何所無紅  
顏白頭幾朝夕但得時和朋好借醉月年年吾願畢

周

蒲字雨時錢塘諸生著書山北遺稿

皖北龍山有潭深不可測爲龍所居禱雨輒應建有祠  
家大人嘗祭余侍從歸途口占

神龍共說伏深淵觸石蒸雲慶有年簫鼓自陳今俎豆風雷  
長鎮古山川征鴻嘒嘒秋聲裏老樹森森落照邊馬上歸來  
人影散滿城月色已娟娟

周

雯

字雨文錢塘人著書自攜集八卷

毛先舒自攜集序畧曰周子雨文博洽工文章兼習武事輕裘緩帶吟咏不輟嘗早春招余過林亭春盤雅集

南浙輶軒錄

卷十三

四庫全書

三

風味殊勝奇石玲瓏微徑幽折江光隱樹如雪余卽景  
題二句云孤峯爲直友老樹似高僧錄病久不能屬思  
因便問筆已讀其集則逸氣濤湧  
藻思雲蒸吟之數過清風灑然

奉酬曹秋岳侍郎雨中有懷

剩有園林在青山不厭貧引杯曾好客閉戶閱無人紫燕生  
雛小紅榴結子新薄田何日買耕鑿老閒身  
一雨連朝夕閒雲傍棟樓神仙難點石山鬼漫吹黎古木扶  
蒼壁奔流瀉碧溪何當鳩婦喚高臥小窗西

毛稚黃隱君將欲卜鄰先有是贈

我住南山下君來此卜居分花開石竇隔竹共庭除洗琤迭  
嘗酒推窗互借書晨昏殊不俗幽意復何如

新綠次韻

杏花風裏瘦楊柳雨中肥空翠環山寺重陰暗竹扉村深煙

黯淡樹曉日  
熹微騁望迷  
青眼翻嫌兩鬢稀

周

崧

字秋巖錢塘人著白燕樓詩稿

周崧自序白燕樓詩稿畧曰髫年就學彩闥誰鶯早歲  
遶遊玉琴空碎潘仁換鬚世間無公道之愁鄧禹封侯  
天下少榮情之遇奚囊句請問擬紅蠶小閣篇成總名  
白燕揚梅作對既乏雕龍緒虎之才鸚鵡成杼遠遜紉  
雪青霞之調文不加點綴作賦之禍衡筆豈能作慕上  
書之賈誼崔明不樂豈盡感夫遭逢吳質工愁亦或本  
於賦性飛揚跋扈興難過於酒酣頓挫激昂氣每舒平  
耳熱十年馬上誰收破壁之題此夕尊前聊輯斷腸之  
句

贈昭慶宜潔和尚

自從卓錫來茲地  
羨爾靈風振法筵  
聖水一湖吞鐵鉢  
講臺千尺擁金蓮  
雲山入座都生定  
魚鳥依人合解禪  
白社只今容我到  
探奇時放小漁船

徐

林

字公翰號晴山錢塘貢生

湯禮祥曰吾友徐寶南之高祖晴山先生與王赤軒輩稱南樓五子詩亦相似

### 冬至

去家千百里此日一陽初落木鐘聲外孤舟雁影餘風霜兼  
客旅生計各樵漁笑指晴江上梅開春漸舒

### 舟過廣信

玉山昨夜放孤篷又見帆收廣信東城闕千家依百雉溪橋  
十丈落雙虹山無烟樹多奇狀野有樵漁半古風鄉國漸遙  
情未惡愁將短鬢對青銅

陳

常

字時夏錢塘人  
著尔余軒雜著

### 九日登大觀臺

一年一日一登臺越界吳江四望開水浸碧天和影斷風吹  
秋色捲空來湖山落托供詩料時節蹉跎剩酒杯千古風流

誇落帽不知誰是孟嘉才

赭山望海

杭俗稱  
蟹子門

崑崙迤邐落神州直到東南天盡頭一道橫空攔海氣兩山  
中裂放江流鱗噴怒沫排銀屋蜃吐靈光聳絳樓未識支機  
無恙否乘槎直欲訪牽牛

南屏凝碧樓

列岫環如障潮聲天外聞樓高秋帶雨山老夜生雲空翠濕  
難掃秋香淡不分機心久忘却來往任鷗羣

姚延傑

字升聞錢塘人  
著澄齋詩選

歲朝

舊宇誰初葺古來多少新久交如乍識稚子亦嘉賓揖客時  
勞手銜杯不去屑年年逢此日何物不精神

遊吼山

艇從巖洞入恍似海雲吞  
終古水爲國千秋石作村  
壺中浴日月世外關乾坤  
梵宇浮空翠迴舟忽有門

誰是開山手奇觀駭此峯  
四圍千仞壁半夜幾聲鐘  
水底天光細樓頭雲氣封  
他年重過此記取傲霜松

江亭

金蓉誰削繞江濱  
日日江光到眼新  
不倦亦眠殊逸事  
逢醪輒飲卽天真  
多情自至惟明月  
有夢能通是美人  
况復園林心足處  
琅玕千樹不愁貧

王德洪

字瞻蒙仁和人  
著隴雲初集

銀星井研

體用均堪貴無慚卽墨君  
井田師地則星象具天文  
搏拊聲



如玉吹噓氣似雲神光來夜半花散自鎖紛

張晉祺

字數宸仁和貢生著湖上小草西江遊草海陵遊草

海陵登舟程姬田俞學耕見訪

鴻向南天振羽驚二君相繼過高軒春風拂而來新好秋雨  
催人返故園城上更聲遲玉漏天涯別淚墮芳尊縱燒紅燭  
同閒話終覺匆忙不盡言

瓊花觀弔古

隋苑繁華已盡銷古臺雖在半蕭條花開自昔不長見名到  
于今如未凋仙子有情還却扇美人無處教吹簫只餘宮樹  
三春月猶照空江午夜潮

盧之翰

字書蒼仁和人著春柳堂詩鈔西卷

盧文昭春柳堂詩鈔序畧曰先大父生七歲而孤家貧不能從師問業母朱太君自教之年十四立創新愈卽

礪被出門爲負米計稍暇則讀書書皆借之人遇所愜  
意作蠅頭字錄置行篋中既常客遊遂廢舉子業壹意  
爲詩所交皆一時名勝晚年與同好結爲詩社其往來  
尤密者同里馮公山公景公亭北王公文白郭公庶蕃  
王公玉振也詩稿多散失文昭多方搜錄爲一編文  
昭幼年大父親自督課授書之隙時時說及生平所經  
艱險困苦之狀言少年買絲餘杭山中與館人同行歸  
晚山路犖確足踏不能進前抵一空廟館人請府君憩  
其中已先歸藝松明爲知導距其家可數里久之不至  
府君疑之屏隱處自匿既而館人來會皇號呼府君察  
其意至誠乃出就之歸每自恨以孤露不能肆力於學  
常誦所作願遠思道晚泣向邢原初一章聲淚俱下  
送包左仲之岳州

酒酣雙劍動送爾岳陽遊遠道孤飛雁空江萬里舟雲連巫  
峽雨日落洞庭秋鶴髮君須憶殊方莫久留

雨後漫賦

雲淨天如洗宵清月滿樓池明波不定山暝翠重浮過雨偏  
宜夏迎風欲吹秋倚誰投白璧世路漫悠悠

再登小華山寺

一名尖山  
在吳興界

山尖九華寺登險怯攀躋密樹窺天窄  
慈雲覆石低山花迎客笑谷鳥避人啼  
十載重游此還看舊日題

晴後期張宏文克家且純登艮山

日色已明迴楓林爽氣開城邊青嶂出  
沙際白鷗來秋色含霜葉寒花照酒盃  
齋居正寥寂攜手共登臺

南湖懷古

州鎮南湖落日昏沁園蒼莽易祇園殘  
僧不識前塵過初地翻教戚里存風際  
鐸鈴悲自語岸傍桃李情無言白洋一曲  
成今古閣盡興亡見佛尊

別家

依依遊子別日暮重生愁白髮親垂老  
長貧事遠遊羣難空

翼馬鋒自淬吳鉤目斷故山遠夕曛烟草稠

北關送客

送君孤艇去此處別愁新况我常為客誰堪送遠人風燈搖

古岸烟月冷通津歸棹先須訂秋風憶鰲尊

喜晴

玉宇俄開朗雲霞更一新野花偏趁蝶林鳥亂呼人農事時

方急秋懷覺自申試沽桑落酒還與月華親

施

遠 字宜山嘉興人

張勛辨香庵詩鈔序畧曰宜山先生四十年來作詩不下百篇言性懶不自收拾篋中無有存者憶已未秋曾披羅先生散佚遺稿一編題曰撫稿為先生門人茅鶴書攜之秦中今年復與先生門人程汝諧聞心抄撮山房酒壁間殘箋斷簡見題畢數行輒錄之又得如干首還視先生幾不識為已物恐後散去因急謀刻氏適成將之豫章未能卒業因先錄其七言今體餘俟次第成之噫先生老矣又貧無子平生故舊滿前誰相知為定

其文者此劬之所  
以不得辭其責也

燕臺輓灝亭嚴公未謀面追仰高義遂有此詩時故人  
顧九恒客公邸屬其焚於靈次

廬江沒後斯文喪時論餘杭屬愛才衆水競知歸大海一星  
忽訝落中台典型已謝堪三歎故舊云誰賦入哀如玉深慙  
徐孺子不將絮酒酌燕臺

人曰同諸子登金明佛閣時將復之饒州

人曰登高暫故鄉恰逢風雨似重陽波聲繞郭春浮綠花氣  
彌天冷作香喜逐羣賢尋故事欲將半偈問空王匆匆只怪  
西江席吹入廬山舊草堂

同淮江登弄珠樓和夏重韻

白練平波烏榜船樓邊風色故依然晴烘雲氣橫遮塢青逼

峯痕遠抹天遊事快逢寒食後裁詩貪倚晚風前憑闌何限  
憐春思堤柳如煙起復眠

東井獨酌庭間有蝶來濡飲杯中拂之不去戲作醉蝶  
詩索和

花裏曾過粉翅香偶來林下傍清觴偷沾綠蟻三分醉懶逐  
黃蜂一例忙鋪荷劉伶同放達褰眠畢卓類行藏飄然飲罷  
知何處好伴先生入睡鄉

心若上人學詩於余以詩爲贅依韻答之

好是冬關老子孫靈芝亦自有芳根詩同秋水清無滓人似  
寒花淡不言世事雲煙彈指過法門骨肉此心存君家繡譜  
依然在拈起金鍼與細論

心若文可  
大師之孫

李維鈞

字裕山一字仲山號遇麓秀水附貢生由  
都昌知縣累官兵部尚書著保賜詩草

梅里詩輯先生切警敏才氣過人嘗讀書僧寮里如患  
崇來詩戲書己名與之曰祀之節止如言果愈早受知  
於曹公德圖目爲大器其擢諫垣也時以邸官查勘  
里產一塵不染遂被例以明徑特用巡撫直隸時舊制  
民十六以上納丁銀與田賦分征先生以爲貧民無一  
弓之地謀食不給豈可復出口錢況死生遷徙勢難核  
查必有貨債之累而催科亦太煩擾莫若攤丁額於地  
畝在有田之家所增無多貧民之困永釋入覲奏之得  
旨允可後各省得援此例以請皆自先生倡之詩頗  
妍麗有集若干卷遺事多故推存保陽詩一卷

### 定州道中

當年詩酒畱連地此日相過意惘然三峽雨雲歸別浦六朝  
金粉剩殘煙胡琴曾醉春風裏羅帕常題明月前春風明月  
兩店名  
繫馬洛陽何處問居人不識杜樊川

### 雨後園林雜咏

雨多早後不妨農剩得晴光濕草濃野鳥補巢蝶晒粉一團  
幽事趁疎慵

王次先

字博齋蕭山監生著浮槎草

毛奇齡浮槎草序畧曰予與博齋遇長安市喜其意度  
閒達既而別去余嘗於還里時急詢其所在而不可得  
也既而幡然來歸曰吾知還矣因收築故居相見道故  
暇時訂往來聽其彈琴讀其所爲詩喟然曰人生如蓬  
廬旦暮有幾吾三十浪游六十還里自以爲道路長久  
而博齋年僅五十餘蹤跡如是真一世之雄矣或謂詩  
集名浮槎以客寄也今  
何以名曰此亦浮槎矣

送周平大兄楊梅塢避暑

一爐香繞玉堂下引墨研硃書一把誰是人間無累人君能  
忙裏尋閒者年年避暑入西湖楊梅塢裏共文殊山光潭影  
開胸臆消受清風酒一壺不愛繁華逐塵垢蕭然僧舍依雲  
岫本是前身一衲衣落在人間復何有嗟予薄劣傍錦枝擬  
欲追陪探索奇豈意蘇堤一水隔憐君飛渡陸公祠祠前葉  
落報新秋張翰應思返故邱從此不沾紀氏酒待君重醉壓



烏洲

過仙霞嶺

霞關峻嶺插天雄  
披棘攀藤偏路通  
鑿石為階開一徑  
摩空壁立俯千峯  
雲封疊翠凌霄綠  
日射飛泉浪雪紅  
天險由來界閩浙  
利名何事歷寵從

史玉節

字客通山陰人著長劍倚天閣集

史玉節自跋長劍倚天閣集後曰自年六七歲時侍大人視側即學作詩古文詞然每遇事輒據案直書不作藁故多散亡遺失今所存者一班耳大人命鈔錄以質世之賢者重加割棄得賦若干詩若干都為一卷不揣荒謬竟用災梨揚雄暮年悔其少作則余滋愧多矣

畱別越中諸親交次湘城吳應辰送別韻

馬蹄今又向燕垂  
大半難忘在越時  
水泛琉璃入硯席  
山圍屏障映娥眉  
載將景色憑新句  
贏得離愁寄舊詞  
世事本如

鴻爪跡毋爲却立水之湄

田鳴玉

字子相山陰人著配瞻樓詩鈔

毛奇齡配瞻樓詩鈔序畧曰向從胡氏東崑王氏文叔見子相於吳山之岑爾時子相未弱冠也然往往爲五七字詩登臨詠吟一時見者多稱之錢塘馮肥章兄弟亟稱子相詩文爲胥山之冠

九日登吳山喜王文叔先生從蕭山至

風雨錢塘鼓棹來長江遙望海雲開龍山舊有茱萸約彭澤  
新移野菊栽漂泊幾人聊對酒風塵何地更憐才諸君自有  
平原興莫賦江南庾信哀

送友入閩

浦城有夢筆驛

彩鷁遙飛日欲斜才高豈合老桑麻到來謝逸嘗吟雪此去  
江郎好夢花漸水晚潮通浦峽嚴陵秋色上蒹葭閩關千里  
登臨處回首江東望落霞

錢榮先

字湘崖山陰人著紅乙草堂集三卷

吳城題紅乙草堂集卷首曰此集詩構思細密鍊字精工然據其序曰未必只此三卷惜全豹之未覩也

散懷

近習自嫌無賴甚慣於勞瘁答韶華屢行詭道朝爭奕略有  
微詞夜品茶纔擘紅箋題野寺更披白葛入山家小窗愛聽  
敲寒玉遍植芭蕉密密遮

一塵不受庾公侵放浪登臨狼藉吟紅葍闌邊花茜袖綠楊  
堤外洒霑襟誰言着屐肩與與輸與樵煙牧雨心爲憶苔堤  
坊裏客未辭秉燭遠相尋

雨夜坐水閣上

月落燈昏捲畫簾幾多詩料恣掀髯忽涵星影螢依草乍躍  
魚聲瓦墮簷蘿帶疾鳴禁雨急葛衫涼透受風尖凭闌坐聽

情無限一覺渾忘與黑甜

趙

淳

字元朔  
蘭谿人

立秋歸聚遠菴將作圖

却暑全無術支筇入壑幽與雲爭臥石候雨急爲流林色將  
生夜風聲又到秋閒余潭水上洗硯畫漁舟

顧

升

字開東號斗山又號石帆  
仁和尚監生著寫山樓詩集

顧麟徵曰先會祖原名峒字虞東因有文在手改今諱  
工書畫策隸長于詩屢試京兆不第康熙乙酉恭逢

聖祖南巡進詩畫冊仰邀  
睿賞集中題家慶圖詩蓋紀遇也自顧所居樓曰爲山遂以

名集又有分綠窗題畫詩以先君通籍馳封承德郎翰

林院庶吉士先會祖性純孝年六旬先高祖父母相繼

棄養哀思不忘迺摹像于硯端而肖己像跪于側名曰

思成硯銘曰九十親六十兒悲啼噓見無期出誰告入

誰面如在上視此研配姚安

入亦工繪事有寫山樓合筆

贈王石谷

虞山真面目夙昔在胸中筆落煙雲滿詩吟鮑謝工朱顏猶似少鶴髮已成翁乞與鷺溪絹殷勤拜下風

題家慶圖

十年襁褓潤風塵抖擻歸來奉老親藜藿得充瓶盎足斑斕時舞咲談真

聖朝有道原多瑞祖德無虧敢厭貧四世一堂餘慶在不嫌邱壑置吾身

披雲何幸覩

堯天

天語親承畫舸前翰墨特邀

明主顧姓名曾聽侍臣宣相傳藝苑成嘉話長戀春暉頌大年曝背茆檐有真樂湖山花鳥亦欣然

兩浙輶軒錄

卷十三

趙淳 顧升

五

送月田姪北上時子客秀州

十載曾爲汗漫游  
高堂霜鬢已如秋  
歸來破屋真甘卧  
怕聽驪歌上客舟

憶昔淮陰古驛間  
相逢片刻信緣慳  
一杯濁酒情無限  
珍重千山與萬山

野店雞聲曉色寒  
疎星殘月掇征鞍  
壚頭小飲難成醉  
木葉先凋未及丹

西山隱隱淡拖藍  
蠟屐何曾試一探  
寂是虛溝橋下水  
慣看人北雁飛南